

HIB MA GALO

FAAFINTA

RASMIGA AH

الرسمية



الجريدة

JAMHUURIYADDA DIMOQRAADIGA SOOMAALIYA

لجمهورية الصومال الديمقراطية

Sannadka 7aad

Muqdisho, 1 Maarso 1979 L. 3

Laanta Faafinta Rasmiga ah ee Madaxtooyada J.D.S.

FAAFINTA BIL SOO BAXA

بريده سهويه

QIIMADU: waa 5 shilin lambar waliba — **RUKUNKA:** Sanadii waa Sh. 100 Somaliya gudeheeda — dibadeedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janayo. Qimaha qortitaanku F.R. halkii sadar iyo waxii ka yar waa 2 laba Sh. — Rukunka iyo qortitaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinayaa Xanska Canshuraha ee Wasaaradda Lacagta

KOOBNIIN

QAYBTA KOOWAAD

SHAHRCI

- SHARCI L. 5 ee 19 Feb. 19, Mashruuca Harumarin-Boga ta Beerahâ :- 180
- SHARCI L. 6 ee 19 Feb. 79, Dhismaha Machadka » Teknolojiyada Soomaaliyeed :- 187
- SHARCI L. 7 ee 19 Feb. 79, Billadaha Maamuuska » Milleteriga :- 194

QAYBTA LABAAD

XEER

- XEER WASAARADDA H. GUUD L. 17 ee 1 Feb. 79, » Qaadid Guryo Dan Guud awgeed ee waqti hore uu lahaa Shariif Saalax Xasan Cumar oo ay la wareegtay Bankiga Horumarinta Soomaaliyeed kuna yaal Muqdisho Degmada Shingaan :- 200
- XEER WASAARADDA B. IYO IS. L. 18 ee 5 Feb. 79, » Xeer Nidaamiye Farsama yaqaannada Isgaarsiinta loo eabinayo dhammaan Waaxyaha :- 202

SHARCI L. 7 ee 19 Febraayo 79, Billadaha Maamuuska Militeriga

MADAXWEYNAHA J. D. S.

MARKUU ARKAY: Xaashida Koowaad; tan labaad iyo tan saddexaad ee Kacaanka 21 Oktoobar 1969;

MARKUU ARKAY:- Sharciga lamb. 1 ee Oktoobar 1969;

MARKUU ARKAY: Baahida loo qabo in wax laga bedelo Sharciga Tr. 5 ee 30 Jannaayo 1963 ee ku saabsan Abaalmarinta Militeriga.

MARKUU ARKAY: Sharciga lam. 17; 18 iyo 19 ee 1 Luulyo 1976;

MARKUU ARKAY: Go'aanka Guddiga Siyaasadda iyo Golaha Wasiirada.

WUXUU SOO SAARAYAA SHARCIGA SOO SOCDA:

Qod. 1aad

Waxaa la dhisay habka Billadaha Maamuuska Militeriga oo lagu Abaal mariyo falalka gaar ahaaneed ee Geesinimada Militeriga; si loo muujiyo in falalku mudan yihiin xushmad guud; isla markiibana tusaale dhiiri gelin u noqda Xubnaha kale ee Ciidammada.

Qod. 2aad

Billadaha Maamuuska Militeriga waxay yihiin:-

- Xiddigta Geesinimada Soomaaliyeed
- Billada Dahabka ah
- » Qalinka ah
- » Maarta ah
- » ka qayb galka Dagaalka.

Qod. 3aad

Billadaha Maamuuska Militeriga waxaa la guddoonsiinayaa dadka, ayagoo ku kacay fal Geesinimo leh oo samayntiisa had. dii la dhaafo aan waxba u dhimaynin Sharciga iyo waajibka, kana hortaga khatar weyn ee u muuqata halisna gelin karta naftooda xilli Dagaal.

Guddoonka Maamuuska Billadaha waxaa la bixin karaa oo keli ah, marka falka la sameeyey haddii dhan kasta laga eego uu yahay mid lagu dayan karo.

Qod. 4aad

Billada Dahabka, Qalinka, Maarta ee Militeriga waxaa la guddoonsiin karaa Xilli Nabadeed, markii ay jiraan sifooyinka ku xusan Qodobka 3aad.

Qod. 5aad

Waqtiga nabadda sifooyinka falka Geesinimo waa inay noqdaan kuwa la xiriira waajibaadka loo dhisay Ciidammada si kasta ha ahaatee sifada qofku sameeyay.

Haddii falka Geesinimo yahay mid la xiriira xirfaddiisa ama yahay mid naxriisi ka keentay, kana baxsan hawlaha loo dhisay Ciidammada, waxaa la siiyaa Abaalgud nooc kale ah xataa haddii qofku ka mid yahay Ciidammada.

Qod. 6aad

Darajada Maamuuska Billadaha Militeriga waxaa lagu qiimeeyaa hadba inta qofka sameeyey la eg yahay, kaana waxaa muujinaaya waxyaabaha uu ka kooban yahay falku, niyadda sare uu muujiyay, khatarta uu ka hortagay iyo guud ahaan natiijada ka soo baxday.

Geerida iyo dhaawacyadu waxay muujinayaan khatarta uu qofku galay, hase yeeshee intaasi oo keli ah uma noqon karaan saldhig maamuus Billadeed, waana in aan loo samayn falka qiimayn uusan lahayn; laakiin waa in la tixgeliyaa waxyaabo fara badan oo khusaynaysa qiimaynta.

Qod. 7aad

Bixinta Billadaha Maamuuska Militeriga waxaa Guddoomiya Madaxweynaha Jamhuuriyadda ee ah Taliyaha Sare Ciidammada Qalabka Sida, waxaana lagu soo saaraa Xeer Madaxweyne.

Madaxweynuhu waqtiga Dagaalka wuxuu awood u leeyahay in bixinta Billadaha uu wakiisho Madaxda Sare ee Ciidammada, asagoo ka dib ku soo saaraya Xeer.

Haddii Madaxweynuhu uusan si toos ah u soo saarin, Xeerka bixinta Billadaha Maamuuska Militeriga waxaa soo jeediyaa Wasiirka Gaashaandhigga.

Qod. 8aad

Soo ieedinta Abaalmarinta Militeriga shaqadda haya waxay

Soo jeedinta, iyadoo ay ku lifaaqan yihiin war-bixinnada loo baahan yahay ee caddeynaaya waxyaabaha qiimaha leh iyo Falka uu qofku sameeyay, meesha uu ku sameeyay, waxay soo maraysaa habka kala sarraynta, si qof walibk ee Madax ahi uga dhiibto ra'yigiisa.

War-bixinnada waxaa loo gudbinayaa Wasaaradda Gaa-shaandhigga muddo ku siman saddex Bilood gudaheeda laga billaabo marka uu falku dhacay.

Qod. 9aad

Soo jeedinta Wasiirka Gaashaandhigga uu u bandhigayaa Madaxweynaha waxaa saldhig u ah ra'yiga Guddi loo magacaabay arrintaas, wuxuuna fikrad ka dhiibanayaa mudnaanta bixinta iyo Darajada Abaalmarinta Billadda Maamuuska.

Guddiga Abaalmarinta Billadaha Militeriga wuxuu ka kooban yahay :-

- 1- Abbaanduulaha Xoogga Dalka Soomaaliyeed.
2. Affar Sarkaal Sare ee Xoogga Dalka Soomaaliyeed.
- 3- Laba Sarkaal Sare ee ka tirsan Ciidanka qofka la abaalmarinayo.

Guddigu waxaa la isugu yeeraa Xeer hoosaad uu soo saarayo Wasiirka Gaashaandhigga.

Qod. 10aad

Militeriga shaqada ka fariistay ama dad kale ee sameeyay fal qiimo Militeri ah ee ka baxsan C.Q.S. Abaalmarinteeda waxaa soo jeediya Madaxda Militeriga ee meesha falku ka dhacay, waqtiga iyo habka soo jeedintaas waxaa la raacayaa Tusaaloo-yinka ku xusan Qodobka 8aad.

Qod. 11aad

Soo jeedinta aan la oggolaan lagama dacwoon karo. Sidoo kale ma bannaana in loo dacwodo, si lagu helo isla falka Maamuusid ka Daraja Sarreysa midda horay loo guddoonsiiyay.

Qod. 12aad

Hadduu qof samaynaya fal qiimo militeri leh uu u Geeriyocdo Geesinnimadiisa darteed ama si kastaba ha ahaatee uu falka ka dib dhintay Billadda Maamuusidda waxaa loo bixin

Billadaha iyo Shahaadooyinka Maamuusidda Militeriga loo bixiyey xusuusta qofka dhintay waxaa la guddoonsiiyaa ilmaha kan ugu weyn, Aabihiisa, Hooyadiisa ama Afadiisa.

Markii la waayo Ehelada la soo sheegay, Billadaha iyo Shahaadooyinka Maamuusidda waxaa la guddoonsiiyaa colkii uu ka tirsanaa.

Haddii uu Geeriyoodo qofka la guddoonsiiyay Billadaha iyo Shahaadooyinka Maamuusidda ee loo bixiyay xusuus ahaan, isu gudbinta lahaanshaha Billadaha iyo Shahaadooyinka Maamuusidda waxaa lagu dhaqmayaa Qawaaniinta Dhaxalka u degsan. Isla Qawaaniinta iyada ah waxaa lagu dabaqayaa, xataa haddii uu dhinto qofka horay u haystay Billadaha iyo Shahaadooyinka Maamuusidda.

Qod. 13aad

Falka qiimaha Militeriga leh ee dhowr jeer dhaca, haddii aan lagu maamuusin Abaalgud kale, waxaa midkiiba la guddoonsiin karaa Billad Maamuus, iyada oo aan tiradeeda la xadadin.

Qod. 14aad

Billaddu waxay leedahay dhexrood cabbirkiisu yahay 35mm, dhinac waxaa kaga xardhan Magaca Qofka lagu Maamuusay, meesha iyo taariikhda falku dhacay, waxaana ku wareegsan xirmo Cawbaar ah, dhinaca kale waxaa ka xardhan Astaanta Qaranka ee muujinaysa Gaashaan iyo laba Waran oo isdhaafsan.

Xiddigta Soomaaliyeed waa DAHAB, waxayna leedahay dhexroor Cabbirkiisu yahay 35mm, dhinaca dhexda waxaa kaga xardhan magaca qofka lagu maamuusay, meesha iyo taariikhda falka dhacay, dhinaca kale waxaa kaga xardhan qoraal ah «GEESINIMO».

Qod. 15aad

1. Billaddu waxay wadataa Xaasaw midabkeedu yahay Buluugga, Calanka lehna jiitin u dhaxaysa oo cad, ballaceedu yahay 37mm, Xaasaw cabbirkeedu yahay 5mm. waxaa lagu qaataa dhinaca Bidixda ee xabadka.
2. Marka aan Billadda la qaadanavn waxaa labbiska Militeriga lagu qaataa dhinaca Bidixda ee Xabadka Xaasawda var oo cabbirkeedu yahay 37mm x 10mm waxayna dhex-

da Dahabka ah; Xiddig yar oo Qalin ah kuwa leh Billadda Qalinka ah; Xiddig yar oo Maar ah kuwa leh Billadda Maarta.

3. Dadka leh Xiddigta Geesinnimada Soomaaliyeed waxay qaataan Xaasaw yar ee cabbirkeedu yahay 37mm, x 10mm waxayna dhexda ku wadataa Xiddig yar oo Dahab ah oo dhextaal Koobaabin.

Qod. 16aad

1. Dadka lagu Abaalmariyay Billadaha Militeriga marka ay sitaan dharka rayidka ah waxay Askarta Gaarka ah xaq ugu leeyihiin Salaan Militeri.
2. Militeriga la Abaalmariyay oo sita dharka militeriga waxay salaam xaq u leeyihiin kuwa la Darajada ah.

Qod. 17aad

1. Billadaha Maamuuska Militeriga waxaa la guddoonsiin karaa oo kale Horin madax bannaan, Dhismo Militeri, Urur iyo wixii ka sarreeya ee si wadajir ah u soo hooyey Xilli Dagaal Guul qiimo Militeri leh.
2. Billaduhu waxay ka lushaan Calanka ama Calaamada Colleeyahay.

Qod. 18aad

Billad kasta ee Maamuus Militeri waxaa la guddoonsiiyaa Sannadkiiba Lacagta Billad kasta ku hor qoran:-

Xiddigta Geesinnimada	Sh. So.	6.000
Billadda Dahabka	Sh. So.	1.080
Billadda Qalinka	Sh. So.	720
Billadda Maarta	Sh. So.	360

Qod. 19aad

Lacagta ku qoran Qodobka 18aad waxaa la siiyaa mutays-taha. Lacagta mutaystaha lagama ceshan karo, xaraashi karo, asaguna cid kale kuma wareejin karo.

Qod. 20aad

Xiddigta Geesinnimada waxaa mutaysta Qofka sameeya

Qod. 21aad

Qofkii isagoo nool mutaysta 2 iyo in ka badan Xiddigta Geesinnimada waxaa inta uu nool yahay Taallo looga dhisayaa Magaalo Madaxda.

Qofkii isagoo horay u mutaystay hal Xiddigta Geesinnimada dhinta wuxuu xaq u leeyahay in Taallo looga dhiso Magaalo Madaxda Gobolka uu ku dhashay.

Mutaystayaasha Xiddigta Geesinnimada waxaa lagu magacaabi karaa Magaalo, Iskuul, Waddo, Xero Militeri IWM.

Qofkii mutaysta saddex Billad Dahab waxaa Taallo looga dhisayaa Magaalo Madaxda.

Qod. 22aad

Billadaha Maamuuska waxaa lagu guddoonsiiyaa Xaflad weyn Maalmaha Ciidaha Qaranka, ayadoo colku kulansan yahay. Billadaha waxaa lala baxshaa Shahaado uu saxiixay Madaxweynahaayna ku qoran tahay sababta loo siiyay oo kooban.

Qod. 23aad

Mutaystaha waxaa laga qaadayaa Billadaha Abaalmarinta marka uu ku kaco fal hid ku ah jiritaanka Qarannimada. Kala noqoshada Abaalmarinta waxaa lagu soo saaraa Xeerka Madaxweynaha Jahuuriyadda.

Qod. 24aad

Mustaystayaasha Billadaha Dahabka ah marka ay Geerivoodaan waxaa lagu magacaabayaa ISKUUL, Waddo Xero Militeri. IWM.

Qod. 25aad

Qofkii muddo 10 (toban) Sano ah Ciidammada ka mid ahaa muuqdayna Anshax iyo Asluub wanaag waxaa la guddoonsiinayaa «Billadda Shaqada waqtiga dheer» ka dibna 5tii Sano mid la mid ah, ayaa la siinayaa.

Qod. 26aad

Mutaystayaasha Billadaha Ciidammada waxay xaq u leeyihiin tahiilaadka la siiyo Abaalmarinta u dhigma ee ku xusan Qod. 12aad ee Sharciga tir. 65. ee 19ka Oktoobar 1970kii. Madisho. 19. 2. 1979

Qod. 27aad

Sharcigaani wuxuu dhacaa gelayaa maalintii uu saxiixo
MADAXWEYNAHA J.D.S.

M A D A X W E Y N A H A

JAMHIIRIYADDA DIMOQRAADIGA SOOMAALIYEED